



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-270/09  
Sarajevo, 4.3.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 4.3.2009.

Organizaciona jedinica	Klasifikaciona oznaka	Redni broj	Broj priloga
01-50-1-	15-44/09		

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*


**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 78. sjednici održanoj 26.2.2009. godine, utvrdilo je Odgovor na zastupničko pitanje koje je Mirko Okolić, zastupnik u Zastupničkom domu Parlamentarne skupštine Bosne i Hercegovine, postavio na 44. sjednici ovog doma održanoj 21.1.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
**Zvonimir Kutleša**



**BOSNA I HERCEGOVINA  
VIJEĆE MINISTARA**

Broj: 05-50-270/09  
Sarajevo, 26.2.2009. godine

Gospodin Mirko Okolić, poslanik u Predstavničkom domu Parlamentarne skupštine Bosne i Hercegovine, postavio je Vijeću ministara BiH poslaničko pitanje sljedeće sadržine:

1. „Kao mnogi drugi i ja sam kao poslanik dobio dopis od gospodina Boriše Gavrilovića, u njemu navodi da njegovi roditelji Jevto i Rajka Gavrilović koji su preko 15 godina u statusu izbjeglice ne mogu da uđu u posjed svog navodno vraćenog stana. Obzirom da se radi o izbjegličkoj populaciji kojoj svi treba da pomognu, a nikako da opstruišu njihova prava od Savjeta ministara BiH tražim da putem nadležnih institucija u BiH i Federaciji BiH utvrde – Žašto ima opstrukcija kod vraćanja imovine porodici Gavrilović“?

Na postavljena poslanička pitanja, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine (“Službeni glasnik BiH”, broj 30/03, 42/03 i 81/06), na 78. sjednici održanoj 26. 02. 2009. godine, utvrdilo je sljedeći:

**O D G O V O R**

Ministarstvo za ljudska prava i izbjeglice BiH je tokom intenzivne implementacije imovinskih zakona u BiH, imalo koordinirajuću ulogu za ovaj proces, tako da je u sklopu ispunjenja uvjeta BiH u sklopu predpristupnih aktivnosti redovno izvještavalo o ovoj aktivnosti. Verificirani podatak da je implementacija imovinskih zakona na prostoru BiH realizirana u procentu od 99,6% govori o uspješno okončanom povratu imovine i stanarskih prava na čitavom protoru BiH. Ostatak predmeta nalazi se u proceduri rješavanja pred redovnim sudovima ili u postupku pred Komisijom za imovinske zahtjeve izbjeglica i raseljenih osoba.

Ministarstvo je putem svog Sektora za ljudska prava, tokom cjelokupnog perioda implementacije imovinskih zakona, zaprimalo predstavke koje su podnošene usljed kršenja ljudskih prava u postupku povrata imovine i stanarskih prava. Tokom perioda postupanja uspostavljena je respektabilna baza podataka o podnesenim zahtjevima za zaštitu ljudskih prava.

Uvidom u bazu podataka, ustanovili smo da gosp. Gavrilović nikada ovom Ministarstvu nije podnio predstavku za zaštitu ljudskih prava u postupku povrata stanarskog prava, te stoga i nismo mogli poduzimati bilo kakve pravne radnje prema nadležnim organima za provedbu relevantnih imovinskih zakona.

Stoga, a iz potrebe da respektiramo svu eventualnu složenost predmeta Gavrilović, sugerišemo da gosp. Gavrilovića uputite na Ministarstvo za ljudska prava i izbjeglice BiH, kako bi mu se u postupku povrata stanarskog prava pružila adekvatna pravna asistencija.